

COFNOD O WEITHGAREDDAU PROSESU AR GYFER AELOD ETHOLEDIG WRTH BROSESU DATA PERSONOL YN RHINWEDD EI RÔL YN RHEOLWR DATA, WRTH FYND I'R AFAEL Â CHEISIADAU GAN ETHOLWYR AC YMATEB IDDYNN NHW (GWAITH ACHOS)

Enw a manylion cyswllt y Rheolwr	Julie Barton C/o Y Gwasanaethau Democrataidd CBSRhCT Y Pafiliynau Cwm Clydach Tonypandy CF40 2XX E-bost: Julie.A.Barton@rctcbc.gov.uk
Enw a manylion cyswllt y Swyddog Diogelu Data	Ddim yn berthnasol
Pwrpas y prosesu	Cyflawni gwaith achos ar ran etholwyr unigol yn fy ward (mynd i'r afael ag ymholiadau, ac ymateb iddyn nhw).
Sail gyfreithiol ar gyfer prosesu'r data	Data personol: - Erthygl 6 (e) – prosesu sy'n angenrheidiol ar gyfer cyflawni tasg er budd y cyhoedd neu arfer awdurdod swyddogol sydd wedi'i roi i'r rheolwr. Data Categori Arbennig - Erthygl 9 (g) – prosesu sy'n angenrheidiol am resymau er budd sylweddol i'r cyhoedd, ar sail cyfraith yr Undeb neu'r Aelod-wladwriaeth: DPA2018, Atodlen 1, Rhan 2 (23 a 24) Data am euogfarnau troseddol - Erthygl 10 – dim ond dan reolaeth awdurdod swyddogol y caiff data personol sy'n ymwneud ag euogfarn droseddol a throseddau ei brosesu, neu lle mae prosesu wedi'i awdurdodi gan gyfraith yr Undeb neu'r Aelod-wladwriaeth: DPA2018, Atodlen 1, Rhan 2 (23 a 24).
Disgrifiad o gategoriâu testunau'r data	Caiff data personol ei brosesu am yr unigolyn sy'n cael ei gynrychioli. Mae modd prosesu data personol hefyd am yr unigolion y bydda i'n dod i gysylltiad â nhw, yn ystod fy ymholiadau. Mae'r unigolion yn debygol o amrywio yn ôl natur y gŵyn neu'r pryder, a'r bobl mae rhaid imi drafod y mater â nhw. Mae'n bosibl y bydd y rhain yn cynnwys: - aelodau'r teulu, perthnasau, gwarcheidwaid a phobl eraill sy'n gyfarwydd i'r person rwy'n cynrychioli eu gwybodaeth bersonol. - adrannau a gweithwyr y cyngor - adrannau a gweithwyr y llywodraeth ganolog - landlordiaid a landlordiaid cymdeithasol - cysylltiadau busnes neu gysylltiadau eraill
Categoriâu'r data	Bydd yr wybodaeth sy'n cael ei phrosesu yn berthnasol i'r gŵyn

personol	neu'r pryder, ac mae'n bosibl y bydd yn cynnwys: • Manylion personol • Amgylchiadau teuluol, ffordd o fyw ac amgylchiadau cymdeithasol • Gwybodaeth ariannol • Gwybodaeth am addysg a chyflogaeth • Gwybodaeth am eich sefyllfa o ran tai • Manylion y gŵyn/pryder Mae'n bosibl y bydda i'n prosesu data categori arbennig neu ddata am euogfarnau troseddol hefyd. Mae'n bosibl y bydd hyn yn cynnwys (ond heb ei gyfyngu i): • Manylion iechyd corfforol neu iechyd meddwl • Hil neu darddiad ethnig • Troseddau gan gynnwys troseddau honedig ac ati.
Categoriâu'r derbynwyr y bydd y data personol yn cael ei ddatgelu iddyn nhw	Fydd gwybodaeth dim ond yn cael ei rhannu os oes angen gwneud hynny, neu os yw hynny'n ofynnol mewn perthynas â'r pwrpas uchod. Bydd categorïau'r derbynwyr y bydd modd i mi rannu data personol â nhw yn amrywio yn dibynnu ar natur y broblem neu'r pryder. Mae'n bosibl y byddan nhw'n cynnwys, er enghraifft: • Adrannau a gwasanaethau'r Cyngor • Adrannau'r llywodraeth ganolog fel Cyllid a Thollau Ei Mawrhydi, yr Adran Gwaith a Phensiynau • Sefydliadau iechyd – Bwrdd Iechyd Prifysgol Cwm Taf, Meddyg Teulu, Deintydd ac ati (os yw'ch problem yn gysylltiedig ag iechyd) • Canolfan Cyngor ar Bopeth • Asiantaethau gorfodi'r gyfraith a chyrff ymchwilio fel yr Heddlu, y Gwasanaethau Prawf • Eich landlord/cymdeithas dai ac ati. (e.e. os ydych chi'n byw mewn llety wedi'i rentu a bod eich problem yn ymwneud â'ch rhent/llety).
Trosglwyddo data personol i drydedd wlad a mesurau diogelu	Dydy gwybodaeth sy'n cael ei phrosesu at y pwrpas uchod ddim yn cael ei phrosesu dramor fel rheol. Os bydd meddalwedd TG sy'n defnyddio system storio cwmwl neu dechnolegau lletyol lle mae data yn cael ei brosesu y tu allan i'r Ardal Economaidd Ewropeaidd (AEE) yn cael eu defnyddio, bydd y prosesu yma yn cydymffurfio â gofynion y Rheoliad Cyffredinol ar Ddiogelu Data.
Terfynau amser ar gyfer dileu	Ddwy flynedd o'r dyddiad y daw'r mater i ben.
Mesurau diogelwch technegol a sefydliadol	Rwy'n cymryd mesurau diogelwch rhesymol i sicrhau bod data personol sy'n ymwneud â gwaith achos yn fy etholaeth yn cael ei

	ddiogelu rhag cael ei golli neu ei newid yn ddamweiniol, ei ddefnyddio'n amhriodol, ei ddwyn, neu rhag i rywrai gael mynediad amhriodol iddo.
--	---